

c. Sveitarfélög með 2001–3000 íbúa:

- Þjónustustig A: allt að 2 251 kr. á íbúa.
- Þjónustustig B: allt að 1 351 kr. á íbúa.
- Þjónustustig C: allt að 675 kr. á íbúa.

Við flokkun sveitarfélaga í þjónustustig skal hafa hliðsjón af félagslegri þjónustu, svo sem við börn, aldraða og fatlaða, heimaþjónustu og fjárhagsaðstoð, svo og af annarri þjónustu sem sveitarfélag veitir íbúum sínum, t.d. varðandi sorphirðu, snjómokstur, gatnagerð, vatnsveitu, íþróttir og tómstundastörf.

Fjárhæðir skv. 2. mgr. miðast við verðlag í júlí 1991 og breytast í samræmi við breytingar á vísitölu framfærslukostnaðar.

Heimilt er að hækka eða lækka fjárhæðir skv. 2. mgr. með hliðsjón af ráðstöfunarfé sjóðsins.

Umsóknir um framlög samkvæmt þessari grein skal senda félagsmálaráðuneytinu fyrir 31. júlí ár hvert ásamt upplýsingum um þjónustu í sveitarfélaginu og eintaki af ársreikningi sveitarfélagsins fyrir næstliðið ár.

15. gr.

Gildistaka.

Reglugerð þessi er sett á grundvelli laga um tekjustofna sveitarfélaga, nr. 90/1990, og öðlast gildi þegar í stað. Þá fellur jafnframt úr gildi reglugerð um Jöfnunarsjóð sveitarfélaga, nr. 542 15. nóvember 1989, og reglugerð nr. 395 10. október 1990, um breytingu á þeirri reglugerð.

Félagsmálaráðuneytið, 14. ágúst 1991.

Jóhanna Sigurðardóttir.

Húnbogi Þorsteinsson.

AUGLÝSING

**um starfsleyfi fyrir móttöku og förgun úrgangs, á starfssvæði sorphirðunefndar
héraðsnefndar Rangæinga, við Strönd, Rangárvallahreppi.**

1. **Almenn ákvæði.**

- 1.1. Starfsleyfi þetta gildir fyrir móttöku, flokkun, endurvinnslu og pökkun úrgangs fyrir athafnasvæði sorphirðunefndar héraðsnefndar Rangæinga.
- 1.2. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.
- 1.3. Fyrirtækinu er skylt að sjá um, að fyllstu snyrtimennsku og góðrar umgengni sé gætt á athafnasvæðum fyrirtækisins. Úrgang og annað rusl, svo sem pappír og plast, sem kann að berast út fyrir athafnasvæðin skal hreinsa upp jafnóðum.
- 1.4. Opin brennsla er óheimil á athafnasvæðunum. Óski rekstraraðili að koma upp brennsluofni þarf að fá sérstakt starfsleyfi fyrir slíkan rekstur.
- 1.5. Óski rekstraraðili eftir því að gera umtalsverðar breytingar á rekstrinum, skal sækja um nýtt starfsleyfi til Hollustuverndar ríkisins, í samræmi við ákvæði mengunarsvareglugerðar nr. 389/1990.

- 1.6. Komi fram mengun, frá starfseminni, sem ekki er í samræmi við gögn sem lögð eru fram með umsókn um starfsleyfi ber rekstraraðila að stöðva áframhaldandi mengun, á sinn kostnað, og hreinsa þá mengun sem þegar hefur orðið.
- 1.7. Mengunarvarnir Hollustuverndar ríkisins geta, að höfðu samráði við Heilbrigðiseftirlit Suðurlandssvæðis, lagt til við umhverfisráðherra, að starfsleyfi þetta verði endurskoðað, ef í ljós kemur að frá starfseminni sé hætta á skaðlegum áhrifum á heilsufar almennings eða röskun lífríkis.
- 1.8. Ákvæði laga nr. 81/1988, um hollustuhætti og heilbrigðiseftirlit svo og mengunarvarnareglugerðar nr. 389/1990, gilda um starfsemi fyrirtækisins eftir því sem nánar er fyrirbælt í starfsleyfi þessu.

2. Ákvæði til varnar mengun ytra umhverfis.

- 2.1. *Móttöku- og flokkunarstöð.*
 - 2.1.1. Starfsleyfi þetta gildir fyrir móttöku og vinnslu neyslu- og framleiðsluúrgangs svo og sérstaks úrgangs. Óheimil er móttaka sóttnáms úrgangs, geislavirks úrgangs, svo og sprengiefna, nema með sérstöku starfsleyfi. Koma skal upp móttöku fyrir spilliefni í samræmi við ákvæði þar um.
 - 2.1.2. Við athafnasvæðin skulu vera skilti með greinilegri áletrun um afgreiðslutíma og hvar móttaka einstakra efna fari fram.
 - 2.1.3. Athafnasvæði skulu vera vel afgirt. Hlið á girðingu skulu vera læst utan afgreiðslutíma.
 - 2.1.4. Á þjónustusvæðinu, skal hlutast til um að komið verði á, á heppilegum stöðum, söfnunarstöðvum (gámastöðvum) þar sem almenningur og smærri fyrirtæki geta losað sig við flokkaðan úrgang sem m.a. gæti nýst til endurvinnslu. Koma skal upp leiðbeiningaskiltum með upplýsingum um flokkun úrgangsins eftir því sem ákveðið kann að vera hverju sinni. Í samráði við viðkomandi sveitarfélög, skal koma greinargóðum upplýsingum til almennings um rekstur og tilgang þessara söfnunarstöðva.
 - 2.1.5. Þeir aðilar, sem framleiðsluúrgangur og sérstakur úrgangur fellur til hjá, sjá um alla meðferð og aðflutning úrgangsins í samráði við rekstraraðila og viðkomandi heilbrigðisnefnd. Rekstraraðili skal leiðbeina og sinna upplýsingaskyldu til sveitarfélaga og annarra er málið varðar um söfnun og aðflutning neysluúrgangs. Jafnframt skal rekstraraðili upplýsa viðkomandi heilbrigðiseftirlit um slík mál og einnig ef eitthvað fer úrskeiðis við starfsemina. Leggja skal áherslu á nýtingu úrgangsefna til endurvinnslu.
 - 2.1.6. Brotamálma skal endurvinna eftir því sem tók eru á. Áður en vinnsla fer fram skal fjarlægja alla vökva úr bifreiðum, vélum, þrýstikerfum og tækjum, s.s. smurolíur, þrýstiolíur, kælivökva og eldsneyti. Vökva þessa skal endurnýta eftir því sem kostur er á, en að öðrum kosti farga reglum samkvæmt.
 - 2.1.7. Fjarlægja skal freon og halon af öllum búnaði, þar sem það er notað sem kæli- eða slökkviefni, sem berst til förgunar. Skal það gert með tækjum sem tryggja að efnin berist ekki út í umhverfið. Tegundum skal haldið aðskildum og þær geymdar í ílátum sem Hollustuvernd ríkisins hefur viðurkennt til slíkra nota. Allt freon og halon skal fara til endurvinnslu.
 - 2.1.8. Notaða rafgeyma skal fyrir vinnslu geyma í sýruheldum ílátum. Geymasýru skal safna saman, sía og stilla af sýrustig 5 - 9 áður en henni er fargað. Blýagnir úr geymasýru þurfa að botnfalla og þeim skal síðan komið til endurvinnslu eða fargað sem hættulegum úrgangi.

- 2.1.9. Gengið skal, með efnagreiningu, úr skugga um að allir rafspennar, rofar og þéttar, sem fyrirtækið tekur á móti innihaldi ekki PCB, þetta skal framkvæmt áður en olía af búnaði er fjarlægð. Ef olía sem hefur verið fjarlægð, af slíkum búnaði, inniheldur meira en 50 ppm af PCB skal henni fargað sem umhverfismengandi úrgangi. Ef kælivökvi eða olíur úr búnaði innihalda meira en 2000 ppm af PCB er vinnsla búnaðarins óheimil og ber að farga honum samkvæmt fyrirmælum Mengunarvarna Hollustuverndar ríkisins. Sýnataka og efnagreining skal framkvæmd af aðila sem er viðurkenndur af Mengunarvörnum Hollustuverndar ríkisins.
- 2.1.10. Á svæðum þar sem vökvar eru tæmdir af bifreiðum, bifreiðahlutum, vélum og öðrum slíkum búnaði, einnig þar sem unnið er með rafspenna, rofa eða þétta skal vera steipt undirlag. Á fráveitu frá þessum undirlögum skulu vera olúskiljur.
- 2.1.11. Stærð og gerð olúskilju skal miðast við að olía í fráveituvatni sé ekki meiri en 15 mg/l. Aðstaða skal vera til sýnatöku af fráveituvatni þar sem það kemur úr olúskiljum.
- 2.1.12. Neysluúrgang og þann hluta framleiðslu- og sérstaks úrgangs sem ekki verður nýttur eða enduruninn skal flytja til urðunar í lokuðum gámum eða vögnum.
- 2.1.13. Koma skal upp móttökuaðstöðu og þjónustu þar sem almenningi gefst kostur á að losna við spilliefni. Móttökuaðstaða skal vera læst utan þess sem opnað er fyrir einstaka viðskiptavini.
- 2.1.14. Spilliefnum og hættulegum efnum, skv. viðauka 4. í mengunarvarnareglugerð, skal safna, pakka og búa til flutnings til viðurkenndrar móttöku og eyðingar fyrir slíkan úrgang. Í samvinnu við Heilbrigðiseftirlit Suðurlandssvæðis og Hollustuvernd ríkisins skal rekstraraðili standa fyrir kynningu og reglulegri innsöfnun á slíkum úrgangi. Kynningin skal ná bæði til almennings og fyrirtækja.
- 2.1.15. Sérstök ídræg efni skulu vera til staðar til að hreinsa upp olíu- og leysiefnaúrgang sem hafa farið til spillis. Haga skal aðstöðu við móttökusvæði spilliefna á þann veg að í stað fráveitu frá því svæði séu öll fljótandi spilliefni sem hugsanlega fara niður fönguð með ídrægum efnum eða fönguð í lokaða tanka, þaðan sem hægt er að ná þeim til baka.
- 2.1.16. Þeir aðilar sem annast flutninga á spilliefnum fyrir rekstraraðila skulu hafa til þess viðurkenndan búnað. Rekstraraðili skal upplýsa Heilbrigðiseftirlit Suðurlandssvæðis um störf flutningsaðila og fá samþykki fyrir búnaði þeirra.
- 2.1.17. Fráveitulagnir frá móttökusvæðum skulu búnar olúgildrum. Allar fráveitulagnir skulu að öðru leyti vera í samræmi við ákvæði mengunarvarnareglugerðar nr. 389/1990. Brunnar til sýnatöku á fráveituvatni skulu vera á fráveitu.
- 2.1.18. Verktakar sem hugsanlega annast þjónustu við úrgangsmeðhöndlun fyrir rekstraraðila skulu hlíta ákvæðum starfsleyfis þessa hvað mengunarvarnir varðar.
- 2.1.19. Gera skal viðeigandi ráðstafanir til að varna foki á þeim efnum sem endurunin eru og geymd á útisvæði eftir vinnslu.
- 2.1.20. Fyrirbyggja skal að vargfugl eða meindýr taki sér bólfestu eða eigi sér viðverustað á athafnasvæðum rekstraraðila.
- 2.1.21. Takmarka skal umhverfishávaða frá starfseminni eftir því sem kostur er. Hávaði við lóðamörk má ekki vera meiri en 70 dB(A) Leq. Ef um greinilega ríkjandi tón eða reglubundna hávaðatoppa er að ræða skal lækka mörkin um 5 dB(A) Leq.
- 2.2. *Urðunarstaður á Strandarsandi.*
- 2.2.1. Förgun úrgangs, eftir meðhöndlun í móttökustöð, fari einungis fram á þar til útbúnum stað, þ.e. á urðunarstað á Strandarsandi. Einungis er heimil urðun frá slátur- og kjötvinnsluhúsum, svo og urðun á byggingarúrgangi, timburúrgangi, uppmokstri og stórgerðu rusli. Urðun heimilssorps, olíuúrgangs, olíumengaðs

- jarðvegs, efnaúrgangs og sóttmengaðs úrgangs er óheimil. Garðaúrgang skal nýta til jarðvegsmyndunar.
- 2.2.2. Ekki skal vera nema eitt slíkt svæði í notkun samtímis. Með urðunarsvæði er átt við afmarkaðar urðunarreinar sem ekki ná yfir stærra svæði en 1000 fermetra.
 - 2.2.3. Athafnasvæðið skal girt öryggisgirðingu. Takmarka skal aðgang annarra að urðunarsvæðinu en starfsmanna rekstraraðila og verktaka. Eftirlitsaðilar skulu hafa aðgang að svæðinu.
 - 2.2.4. Mengunarvarnir Hollustuverndar ríkisins geta í ljósi niðurstaða mælinga á mengun í vatni endurskodað, á fimm ára fresti, kröfur um hreinsun fráveituvatns.
 - 2.2.5. Lekt jarðlaga í botni urðunarstaðar skal ekki vera meiri en 10/-7 m/sek. Fráveitulagnir skulu vera í samræmi við ákvæði mengunarvarnareglugerðar nr. 389/1990. Til staðar skulu vera sýnatökubrunnar til að unnt verði að fylgjast með mengun.
 - 2.2.6. Úrgangur sem lagður hefur verið í urðunargryfju skal þakinn samdægurs. Mótun þekjulags skal vera með þeim hætti að uppgræðsla svæðisins verði eins hröð og kostur er. Þykkt þekjulags skal ekki vera minni en 75 cm. Í efsta lagið skal sá grasfræi. Koma skal fyrir jarðvegsmönnum á urðunarstaðnum m.a. til að minnka sjónmengun á staðnum, minnka fohættu og til að afmarka svæði fyrir einstaka úrgangstegundir sem bíða frekari vinnslu, t.d. brotamálma, heimilistækja, garðaúrgangs, gúmmí og plastefna.
 - 2.2.7. Koma skal í veg fyrir fok á urðunarstaðnum. Fokvarnir skulu vera til staðar.
 - 2.2.8. Fyrirbyggja skal að vargfugl og meindýr taki sér bólfestu eða eigi sér viðverustað á athafnasvæðinu.
 - 2.2.9. Takmarka skal umhverfishávaða frá starfseminni eftir því sem kostur er. Hávaði við lóðamörk má ekki vera meiri en 70 dB(A) Leq. Ef um greinilega ríkjandi tón eða reglubundna hávaðatoppa er að ræða skal lækka mörkin um 5 dB(A) Leq.

3. Mælingar og eftirlit.

- 3.1. Mengunarvarnir Hollustuverndar ríkisins hafa eftirlit með mælingum og mæliaðferðum. Áætlun um mælingar, á vegum rekstraraðila, skulu samþykkjast af Hollustuvernd ríkisins. Sérstök úttekt, með tilliti til hugsanlegrar mengunar, skal fara fram á fyrsta ári starfseminnar. Sérhæft eftirlit skal, að lokinni úttekt, fara fram eigi sjaldnar en fimmta hvert ár. Nákvæmt mat á niðurstöðum og hugsanlegar samantburðarmælingar skulu fara fram í samræmi við ákvæði mengunarvarnareglugerðar nr. 389/1990, eins og hún er á hverjum tíma. Hollustuvernd ríkisins skal upplýsa rekstraraðila og Heilbrigðiseftirlit Suðurlandssvæðis um niðurstöður matsins, eins fljótt og auðið er.
- 3.2. Á hverri vinnuvakt, á athafnasvæðum fyrirtækisins, skal starfa vaktstjóri sem hefur góða þekkingu á öllum búnaði og starfsreglum fyrirtækisins. Vaktstjóri skal einnig hafa þekkingu á ákvæðum starfsleyfis þessa og þeim lögum og reglum sem um starfsemina gilda. Eintök af starfsleyfi og viðkomandi lögum og reglum skulu ávallt tiltæk á vinnustað. Einnig skal fyrirtækið tilnefna fulltrúa sem eftirlitsaðilar, eða aðrir, geta haft samband við ef þörf krefur utan afgreiðslutíma fyrirtækisins.
- 3.3. Fulltrúar rekstraraðila skulu a.m.k. á þriggja ára fresti koma á sameiginlegan fund með fulltrúum frá Hollustuvernd ríkisins, Náttúruverndarráði og heilbrigðisnefnd. Á þessum fundum verði rætt um niðurstöður eftirlits- og umhverfismælinga og rekstur mengunarvarna við úrgangsmeðhöndlunina og eyðingu.

4. Gjaldskylda.

- 4.1. Starfsemi sorphirðunefndar héraðsnefndar Rangæinga fellur í þriðja gjaldskrárflokk samkvæmt viðauka nr. 8. í mengunarvarnareglugerð nr. 389/1990. Gjald þetta skal standa undir kostnaði við sérhæft eftirlit Hollustuverndar ríkisins, samanber þriðja kafla reglugerðarinnar.

5. Gildistaka.

- 5.1. Starfsleyfi þetta er veitt í samræmi við ákvæði greinar 8.4 í mengunarvarnareglugerð nr. 389/1990 samanber lög nr. 81/1988, um hollustuhætti og heilbrigðiseftirlit og öðlast þegar gildi.

Umhverfissráðuneytið, 12. ágúst 1991.

Eiður Guðnason.

Sigurbjörg Sæmundsdóttir.

AUGLÝSING

um starfsleyfi fyrir móttöku og förgun úrgangs í Skaftafelli, Öraefasveit.

1. Almenn ákvæði.

- 1.1. Starfsleyfi þetta gildir fyrir móttöku, flokkun, endurvinnslu og eyðingu úrgangs í þjóðgarðinum í Skaftafelli og nágrenni.
- 1.2. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.
- 1.3. Rekstraraðila er skylt að sjá um, að fyllstu snyrtimennsku og góðrar umgengni sé gætt á athafnasvæðinu. Úrgang og annað rusl, svo sem pappír og plast, sem kann að berast út fyrir athafnasvæðið skal hreinsa upp jafnóðum.
- 1.4. Opin brennsla er óheimil á athafnasvæðinu. Óski rekstraraðili að koma upp brennsluofni þarf að fá sérstakt starfsleyfi fyrir slíkan rekstur.
- 1.5. Óski rekstraraðili eftir því að gera umtalsverðar breytingar á rekstrinum, skal sækja um nýtt starfsleyfi til Hollustuverndar ríkisins, í samræmi við ákvæði mengunarvarnareglugerðar nr. 389/1990.
- 1.6. Komi fram mengun, frá starfsemi, sem ekki er í samræmi við gögn sem lögð eru fram með umsókn um starfsleyfi ber rekstraraðila að stöðva áframhaldandi mengun, á sinn kostnað, og hreinsa þá mengun sem þegar hefur orðið.
- 1.7. Mengunarvarnir Hollustuverndar ríkisins geta, að höfðu samráði við viðkomandi heilbrigðiseftirlit, lagt til við umhverfissráðherra, að starfsleyfi þetta verði endurskoðað, ef í ljós kemur að frá starfsemi sé hætta á skaðlegum áhrifum á heilsufar almennings eða röskun lífríkis.
- 1.8. Ákvæði laga nr. 81/1988, um hollustuhætti og heilbrigðiseftirlit svo og mengunarvarnareglugerðar nr. 389/1990, gilda um starfsemina eftir því sem nánar er mælt fyrir í starfsleyfi þessu.

2. Ákvæði til varnar mengun ytra umhverfis.**2.1. Móttöku- og flokkunarstöð.**

- 2.1.1. Starfsleyfi þetta gildir fyrir móttöku og vinnslu neyslu- og framleiðsluúrgangs svo og sérstaks úrgangs. Óheimil er móttaka sóttnæms úrgangs, geislavirks úrgangs, svo og